

# COCANHA



## Lo poder del dedins

Cossí lo « poder del dedins », la potència vitala dins cadun de nautre-a-s se pòt reviscolar, per carrièira, per las zònas umidas o las periferias ?

Benlèu, per començar, en jogar, cantar, dançar, en far de vibracions que nos religan.

## **Cants polifonics a dançar**

Tres voses, ancoradas, timbradas, pertocantas, a las percussions tindantas e trabucairas. Amb Tolosa coma punt de rescontre, lo triò canta naut e fòrt aquela lenga del quotidian, terrenh de jòc vocal vertadièr.

Mans e pès clacan los ritmes de la dança. Los tambourins de còrdas pirenencs installan lo bordon percussiu, brut, cargant lo cant d'una pulsacion vitala.

## **Musica indigena**

Fòrta de son ancoratge, Cocanha canta una musica indigena dins la continuitat de la creacion populara. Escometon d'explorar las variantas dialectalas occitanas, poeticas e saborosas.

Noiridas per la transmission orala e d'annadas de practica, adoban las melodias e cambian las paraulas a lor agrat, per faïçonar un repertòri que lor sembla.

